

Timor-Leste: Representante foun Banku Mudial hahu halao ninia knar.

Dili, July XX, 2017 — Representante foun Banku Mundial ba Timor-Leste hateten katak tinan hirak tuir mai sei iha oportunidade barak ne'ebé diak teb-tebes ba Timor-Leste, tamba nasaun ida ne'e hasoru opsaun hirak ne'ebé importante hanesan investimentu iha infra-estrutura, edukasaun no saude ne'ebé sei forma desenvolvimentu nasaun ida ne'e nian.

Macmillan (Mac) Anyanwu, sidadaun Nigeria ida mak sai hanesan Representante foun Banku Mundial nian ba Timor-Leste hodi toma konta investimentu ho montante US\$90 millioens iha area infra-estrutura, agrikultura, saude, edukasaun no jestaun risiko desastre nian no mos servisu analitiku hirak ne'ebe esensial hodi fo apoio ba programa desenvolvimentu governu Timor-Leste nian.

Senhor Anyanwu orgullo ho governu no povu Timor tamba iha tempu badak nia laran bele halao ona progresu bot liu-liu kona ba paz, demokrasia no hari fila fali instituisaun publiko, investimentu iha infra-estrutura no implementa gestaun ne'ebé diak ba reseitas mina rai nian.

*“Ksolok tebes atu lidera Banku Mundial nia sevisu hamutuk ho Timor-Leste iha tempo ida ne'ebe importante hanesan agora dau-daun ne'e, ho sidadaun sira ne'ebé pruntu atu vota ba elisaun parlamentar,” dehan **Sr. Anyanwu.**” Iha fulan no tinan hirak tuir mai sei hamosu oportunidade sira nebe'e unico atu hametin liu tan relasaun Banku Mundial ho Timor-Leste, no atu habelar liu tan diskusaun politika iha area sira ne'ebé potensial atu aselera desenvolvimentu nasaun ida ne'e.*

Sr. Anyanwu iha esperiensa tinan rua nolu iha politika dezevolvimentu no jestaun programa nian. Nia hahu servisu ho Banku Mundial iha 2002 sai hanesan analista operacional no hahu husi tempu neba nia mos servisu iha area governasaun no Jestaun operasaun sector publiko nian iha Afrika. Iha 2011-2014 sai nudar repesentante Banku Mudial ba Reino Lesotho no hanesan offiial senior Banku Mudial nian ba nasaun Afghansitan. Iha 2016, Banku Mundial hili Sr. Anyanwu sai nudar membru ida husi membru ema nain sia ne'ebé maka selesionadu ba programa *Agile Bank Fellowship* Banku Mundial nian hodi promove inovasaun, efisiensia no lideransa iha instituisaun ida ne'e nia laran.

*“Servisu Banku Mudial nian ba timor-leste ida ne'ebé importante no presija impelemta ho lalalis maka hala'o analize ida ne'ebé klean no klaru hodi identifika desafiu boot ba desenvolvimentu nebe'e nasaun ne'e hasoru no dalan importante atu hodi hamenus kiak no aumenta prosperidade” dehan **Sr. Anyanwu.** Servisu ida ne'e sei sai hanesan mata dalan atu estabelese Banku Mundial nia Country Partnership Framework foun, ne'ebe sei sai hanesan dokumentus importante atu ajuda Banku Mudial hodi fo ninia suporta ba governu Timor-Leste iha tinan hat oin mai.”*

Hahu husi tinan 2000, Banku Mundial ajuda ona Governu Timor-Leste hari fila fali infra-estrutura nasional, estabeliza ekonomia no haforsa instituisaun governu. Iha tinan 2017 servisu refere inklui mos apoio hodi hadiak prestasaun servisu iha area edukasaun, nutrisaun, konstrusaun estradas no infra-estrutura transporte ne'ebé resistente ba iklim, no mos apoio ba desenvolvimentu ekonomiku iha area naun-petrolifero.

Iha Dili: Matt Wilkinson, +67 78440429, mwilkinson@worldbank.org

Ba informasaun klaru liu tan konaba servisu grupo Banku Mundial nian iha Timor-Leste, bele visita www.worldbank.org/tl.